

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U TUZLI
Broj: 32 0 St 307084 17 St
Tuzla, 11.07.2022.godine

Općinski sud u Tuzli, sudija Antonela Đaković, kao stečajni sudija, u stečajnom postupku nad imovinom dužnika "Opšta zadruga "Povratak" sa p.o. Tuzla u stečaju, Slatina br. 11, nakon okončanja završne diobe, dana 11.07.2022.godine donio je sljedeće:

R J E Š E N J E

ZAKLJUČUJE SE stečajni postupak nad imovinom stečajnog dužnika Opšta zadruga "Povratak" sa p.o. Tuzla u stečaju, Slatina br. 11, nakon okončanja glavne diobe.

Rješenje će se objaviti na Oglasnoj tabli suda, Web stranici-elektronskoj tabli suda, Službenim novinama F BiH, te dostaviti FIA-i.

Pravne posljedice zaključenja stečajnog postupka nastupit će po proteku osam dana od dana objavljivanja rješenja u „Službenim novinama F BiH“, a pravosnažno rješenje će se dostaviti Odjelenju registra ovog suda, radi brisanja stečajnog dužnika iz sudskog registra.

O b r a z l o ž e n j e

Rješenjem ovoga suda broj 32 0 L 368437 19 L od 07.01.2020.godine, otvoren je postupak likvidacije nad Opšta zadruga "Povratak" sa potpunom odgovornošću (p.o.) Tuzla, Slatina br. 11, a Rješenjem suda broj 32 0 L 3368437 19 L od 25.03.2021.godine obustavljen je postupak likvidacije nad dužnikom, temeljem odredbe čl. 9. st. 2. Zakona o likvidacionom postupku (Sl. novine F BiH br.29/03), radi nemogućnosti društva da izmiri obaveze koje ima prema povjeriocima koji su u likvidaciji prijavili svoja potraživanja. Rješenje o obustavi likvidacionog postupka postalo je pravosnažno 19.04.2021.godine.

Imajući u vidu da je prijedlog za otvaranje stečajnog postupka podnio likvidator, sud je shodno odredbi čl. 102 stav. 6. Zakona o stečaju FBiH (Službene novine F BiH broj 53/21), Rješenjem ovog suda, broj gornji od 15.09.2021.godine pozvao povjerioce i zainteresirana lica da u roku od 30 dana od dana objavljivanja istog uplate predujam za obezbjeđenje troškova stečajnog postupka, koje rješenje je objavljeno u Službenim novinama FBiH broj: 75/21 dana 22.09.2021.godine.

Nakon uplate predujma za obezbjeđenje troškova stečajnog postupka sud je dana 14.12.2021.godine donio rješenje o otvaranju stečajnog postupka, te za stečajnog upravnika imenovao Besima Hamidovića iz Zvornika.

U toku stečajnog postupka održano je ispitno ročište i izvještajno ročište i to dana 18.02.2022.godine na kojem se stečajni upravnik izjasnio o prijavljenim prijavama potraživanja stečajnih povjerilaca, odnosno o jedinoj pristigloj prijavi potraživanja Porezne uprave FBiH, Kantonalni porezni ured Tuzla. Na prvom ispitnom ročištu ukupno prijavljena potraživanja iznosila su 4.908,38 KM, ukupno priznata potraživanja 4.908,38 KM, koji iznos je razvrstan u opći isplatni red. Na izvještajnom ročištu-skupštini povjerilaca održanoj dana 18.02.2022.godine donesena je odluka o novčavanju nepokretne imovine stečajnog dužnika

upisane u PL broj 250 KO Mičijevići, sa početnom procjenjenom cijenom od 3.609,00 KM, te da je cijena nekrenine ispod koje se ista ne može prodati 2.000,00 KM.

Na osnovu Odluke skupštine stečajni upravnik je pristupio unovčenju nepokretne imovine, a na prvoj prodaji koja je bila zakazana dana 23.03.2022.godine izvršio prodaju nekretnine stečajnog dužnika za iznos od 2.600,00 KM. Pokretna imovina stečajnog dužnika (traktor EUROPARD 354, Traktorska prikolica broj šasije: 1 949 3 i freza mala traktorska bez broja) unovčena je za cijenu od 4.100,00 KM. Nakon provedenog postupka unovčavanja imovine stečajni upravnik je dana 01.06.2022.godine predložio glavnu diobu i zakazivanje ročišta po prijedlogu za glavnu diobu, kao i iznos stečajne mase raspoloživ za glavnu diobu koji iznosi 5.603,38 KM.

Sud je rješenjem broj gornji, od 06.06.2022.godine, dao saglasnost sečajnom upravniku za glavnu diobu i zakazao ročište za glavnu diobu za dan 04.07.2022.godine sa početkom u 09,30 sati. Na ročištu za raspravljanje za glavnu diobu održanom dana 04.07.2022.godine Skupština povjerilaca je prihvatila prijedlog diobnog popisa i nije imala primjedbi niti prigovora na isti. Stečajni upravnik je namirio povjerioce prema usvojenom diobnom popisu i izvršio diobu novčanih sredstava povjeriocima, a sve temeljem odredbe člana 190. Zakona o stečaju postupku (Službene novine FBiH broj: 53/2021). Dokaze o namirenju povjerilaca u iznosima usvojenim na ročištu za glavnu diobu stečajni upravnik je dostavio u spis suda dana 08.07.2022. godine, a nakon dostavljanja dokaza o uplati sredstava i donošenjem Rješenja o otpisu zakoonskih zateznih kamata Porezna uprava FBiH, Kantonalni porezni ured Tuzla je donio Rješenje o obustavi postupka prinudne naplate broj: 13-3-01-15-25-19-02114-5-20, od 10.05.2022.godine, obzirom da je stečajni dužnik izmirio svoje obaveze u cjelosti, te je donošenjem navedenog rješenja glavna dioba provedena.

Odredbom člana 190. stav 1. Zakona o stečaju ("Službene novine FBiH", br. 53/2021), propisano je da nakon okončanja završne diobe, stečajni sudija donosi rješenje o zaključenju stečajnog postupka, čime su se ispunili uslovi za zaključenje stečajnog postupka kao u dispozitivu rješenja.

Na osnovu odredbe člana 190. stav 10. Zakona o stečaju rješenje o zaključenju stečajnog postupka objavit će se na oglasnoj table suda, Web stranici suda-elektronskoj table suda, Službenim novinama FBiH, te dostaviti FIA-i.

Odredbom člana 204. stav 2. istog Zakona propisano da pravne posljedice zaključenja stečajnog postupka proizvode pravno dejstvo u roku od 8 dana od dana objave ovog rješenja u Službenim novinama F BiH.

Odluka o brisanju pravnog lica iz javnih registara temelji se na odredbi člana 204. stav 5. Zakona o stečaju.

Sudija

Antonela Đaković

POUKA O PRAVNOM LIJEKU: Protiv ovog rješenja stečajni povjerioci i stečajni dužnik mogu izjaviti žalbu Kantonalnom sudu u Tuzli, putem ovog suda, u roku od 8 dana po isteku pet (5) radna dana od dana objave istog u "Službenim novinama FBiH"